

Ogaysiis: APD0070B

Barnaamijka:

Xafiiska qaybta: Shaqaalaha:

Lambarka takleefonka: Lambarka kiiska:

Magaca kiska:

Magaca wargelinta:

Taariikhda daqan
galka ah:

Wargelinta Qiimaynta U Qalanka Adeega

Qiimaynta u qalankaaga adeega Medicaid waxay ku eeg tahay .
Maamulaha Kiiskaaga ayaa kuula soo xidhiidhi doona sida ugu dhakhsaha badan si uu kuugu qabto wakhtiga kulanka lagu qiimayn doono baahidaada daryeelka.

Kulanka, waa in adiga iyo maamulaha kiiskaagu aad ka wada hadashaan baahiyahaaga daryeelka iyo adeegyada socda. Waxaa lagugu dhiiri gelinayaa inaad kusoo casuunto dad nololshaada ku jira oo ku caawin kara, oo waxaa kamid ah xubnaha qoyska, kulanka.

Inaad ka daacad sheegto baahiyahaaga daryeelka ayaa muhiim ah inay saxnaanto qiimayntu. Fadlan u diyaare garaw inaad kala hadasho nooc walba oo daryeelkaaga ah, oo waxaa kamid ah mudada iyo inta jeer ee kalamadu

imanayso. Waxaa wax tari kara in aad duwaan geliso baahiyahaaga daryeelka kahor kulanka aad la geleyso maamulaha kiiska.

Waxa aad dalban kartaa saacada iyo taariikhda, kahor _____, adiga kuu haboon kulanka. Kaalmada waxaa lagu bixiyaa gurigaaga saacadaha iyo maalmaha shaqo, marka laga tago xaaladaha gaarka ah.

Hadii aanad ku qancin qiimayntaada ama qorshahaaga adeega, fadlan kala hadal maamulaha kiiskaaga. Waxa aad sidoo kale rafcaan ka qaadan kartaa go'aanka adiga oo dalbanaya dhagaysi.

Waa kuwan waxyaabo aad filan karto wakhtiga qiimaynta:

- Maamulaha kiiska ayaa ku waydiin doonaa su'aalo kala duwan oo ku saabsan nooca kaalmada ay dadka kale u baahan yihiin. Su'aalaha qaar waxay ka hadlayaan mawduuc aad u shakhsi ahaaneed oo ay dhici karto in aanad jeclaysan. Laakiin, macluumaadkan waxa uu ka caawinayaa maamulaha kiiska inuu ogaado cida u qalanta wixii adeegyada Medicaid ah. Maamulaha kiiska ayaa ku waydiin doonaa su'aalahan iyada oo sharaf iyo maamuus ku dheehan yahay.
- Su'aalaha uu ku waydiinayo maamulaha kiiska waxaa sidoo kale ka mid noqon doona inta jeer ee aad u baahan tahay kaalmo dadka kale.
- Waxa sidoo kale wanaagsan inaad daaawadsiiso maamulaha kiiskaaga gurigaaga. Tani waxay ka caawin kartaa maamulaha kiiskaaga inuu si dhaanta u fahmo baahiyahaaga daryeelka.
- Marka aad u ogolaato, maamulaha kiiskaaga waxa uu ka dalban karaa dadka kale inay ka caawiyaan si uu u helo macluumaad dheeraad ah oo ku saabsan waxa u baahan kaalmo. Maamulaha kiiska ayaa sidoo kale ku waydiin kara waraaqaha caafimaadka.

Waa kuwan waxyaabo aad filan karto kadib wakhtiga qiimaynta aad buuxiso:

- Hadii ay jiraan wax isbadal ah oo adeegyada aad qaadanayso ah, waxaad heli doontaa macluumaad kuu sheegaya sababta go'aanka loo gaadhay. Fadlan kala hadal maamulaha kiiska wixii su'aalo ah ee aad qabto.
- Hadii aad u qalanto adeegyada, waxa aad heli doontaa waraaqaha qaar aad u baahan tahay inaad akhrido, saxeexo oo aad kusoo celiso maamulaha kiiska sida ugu dhakhsaha badan.
- Adiga iyo maamulaha kiiskaaga ayaa u wada shaqayn doona qaabka ugu wanaagsan ee aad u heli karto kaalmada aad u baahan tahay. Waxa taas kamid ah dhamaan ikhtiyaarada aad heli karto.
- Hadii aad u qalanto oo aad go'aansato inaad hesho daryeel lacag laga bixinayo oo gurigaaga ah, maamulaha kiiskaaga ayaa eegi doona inta saacadood ee aad u qalanto. Laakiin, hadii aad u baahan tahay saacado dheeraad ah, waxa aad dalban kartaa "wax laga soo reebey", taas oo, hadii la ansixiyo, kuu sahlaysa saacado dheeraad ah oo aad ku buuxinayso baahiyahaaga. Maamulaha kiiskaaga ayaa kaala shaqayn doona dalabkan isaga oo eegaya mudada iyo inta jeer ee aad u baahan tahay in shaqooyinkan gaarka ah lagu qabto. Maamulaha kiiska ayaa kala shaqayn doona maamulhiisa iyo shaqaalaha kale sidii loo eegi lahaa hadii aad u qalanto saacado dheeraad ah.

Ka Warbixinta Tacadiga Dadka Waayeelka ah iyo Dadka Naafada ah

Ka Warbixinta Tacadiga: 1-855-503-SAFE (7233)

Ka warbixinta tacadiga dadka waayeelka ah iyo dadka faafada ah waxaa kamid ah waxyeelada jidhka ama dhaawac, in la siin waayo daryeelka aas aasiga ah, ka

faa'idaysiga dhaqaale, iyo tacadiga hadalka ama dareenka ah. Waxaa kamid ah in laga reebo iyada oo aan loo kasin, si khaldan in loo qaabto, xidhiidh galmo oo aan la isla ogolayn, dayacaada cida daryeela, iyo nayaqaada nafta. Haddii tani uu adiga ama cid kale oo aad garanayso ay kugu dhacaysay, waad ka warbixin kartaa.

Sharciga gobolku waxa uu ilaaliyaa haybtaada in aan la sheegin marka aad ka warbixiso tacadiga. Maaha inaad sheegto magacaaga haddii aad doonayso in aan haybtaada la sheegin. Aqoonsigaaga kaliya waxaa la bixin karaa marka ay jiraan filashooyin sharci oo gaar ah, sida marka ay jiraan ka warbixin danbi ama amar xaakin.

Kadib marka laga warbixiyo tacadiga, xafiisyada Dadka Waayeelka ah iyo Dadka Laxaadka La' (APD) iyo Hay'ada Aaga Waayeelka (AAA) ee Oregon oo dhan waxa ku siinayaan adeegyada badbaadada, ka warbixinta tacadiga, eegitaanka haddii tacadi ama dayacaad ay dhacdo, iyo la shaqaynta ciidanka haddii ay jiraan dambi.

Si aad uga warbixiso tacadi, la hadal 1-855-503-SAFE (7233) ama APD-ga deegaankaaga ama xafiiska AAA. Si aad u hesho xafiis deegaankaaga ah, fadlan booqo: <https://www.oregon.gov/odhs/pages/office-finder.aspx>

Waxa aad ku heli kartaa waraaqahan luuqado kale, far waawayn, farta indhoolka ama qaab kale. La xidhiidh maamulaha kiiskaaga ama iimeelka APD.Communications@odhsoha.oregon.gov. Waxaan aqbalaynaa dhammaan wicitaannada adeegga Relay ama waxaad garaaci kartaa 711.